

Mogućnost plaćanja na rate

**Velika turska tura** jedinstven je program napravljen za one koji žele aktivan odmor, kojima nije problem voziti se više stotina kilometara dnevno u potrazi za novim mjestima i prilikama, one koji su oduvijek željeli vidjeti ono najljepše od Turske, te upoznati bolje tu zemlju, ondašnje stanovništvo i način života. U deset dana našeg puta prijeći ćemo preko 1700 km, boraviti u **7 najpoznatijih gradova** ove zemlje, posjetiti više antičkih gradova, muzeja, mauzoleja i vidjeti neke od najvećih prirodnih fenomena planete zemlje.

**1. DAN: 18. April 2018.( srijeda) BIHAĆ-SARAJEVO- ANKARA.** Polazak u ranim jutarnjim satima iz Bihaća prema aerodromu Sarajevo. Let u 11.10 redovnom linijom Sarajevo-Istanbul-Ankara. Dolazak u Ankaru u 16.15 sati, koja je od proglašenja Republike Turske 1923.godine njen **glavni grad**. Tako i počinjemo naš put panoramskim obilaskom Ankare, prolaskom pored najvažnije ustanove ove zemlje Velikog turskog parlamenta i upoznavanjem grada. Posjeta muzeju anadoljskih civilizacija koji je 1997. godine izabran za Evropski muzej godine. Po povratku iz muzeja posjeta ankarskoj tvrđavi, građenoj u VII i dograđivanu u IX vijeku, iako je u nju ugrađivan materijal još iz starorimskih građevina. Ovo je jedinstven vidikovac sa kojeg se vidi **Ankara kao na dlanu**. Smještaj u hotel **Rota Bulvar 4\*/www.rotabulvarhotel.com**). Večera. Noćenje.

**2. DAN: 19. April 2018.(četvrtak) ANKARA - KAPADOKYA 300 km.** Doručak.Odjava iz hotela i odlazak autobusom u Anitkabir mauzolej Ataturku - ocu turske nacije, vođi u borbi za nezavisnost Turske i **prvog predsjednika Republike Turske**. Ovaj mauzolej je poznat i po rekordnom broju posjetilaca, u toku jedne godine više od deset miliona ljudi dolazi ovdje odati počast jednom od najvažnijih ljudi u cjelokupnoj svjetskoj historiji. Polazak prema Kapadokyi. Usputna posjeta Slanom jezeru - Tuz Golu, drugo po veličini jezero u Turskoj koje se nalazi u regiji Aksaraj, kako samo ime kaže ima veliki stepen slanosti, a dubine je 1-2 m, a ljeti kada se stepen vode smanji obale su pune soli koja se eksploatira. Dolazak u Kapadokya u večernjim satima. Smještaj u hotel **Tourist 4\* (www.touristhotel.com.tr)**. Večera. Noćenje.

**3. DAN: 20. April 2018.godine(petak) - KAPADOKYA.** Doručak. Dolaskom u Kapadokiju, stižemo na jednu od sigurno najatraktivnijih destinacija u Turskoj, pa i svijetu. Pored toga što je ovo mjesto samo po sebi jedinstveno remek djelo prirode koje očito još pri prvom pogledu na stožaste vilinske dimnjake, ono je i izuzetna ljudska tvorevina podzemnih gradova, koje su ljudi vijekovima izdubljivali i koristili kao nastambe. Neki od njih datiraju još **2000 godina prije nove ere**. U ove podzemne gradove je, u potrebi zaštite od neprijatelja, moglo stati i po 20 000 ljudi a imali su ventilacijski sistem, vodu i ostale uslove neopohodne za život. Posjetit ćemo **ÜRGÜP - GÖREME**, gradić neobičnog krajolika vulkanskih stijena oblikovanih erozijom. U šupljinama ovih stijana se nalaze naselja iz četvrtog vijeka ali i crkve i manastiri iz vizantijskog doba, a neke od njih imaju izuzetno očuvane freske. Povratak u hotel *Tourist 4 \**. Večera. Noćenje.

**4. DAN: 21. April 2018.( subota) KAPADOKYA- KONYA 230 km.** Doručak.Odjava iz hotela i polazak prema **Konya**, koja je jedan od najstarijih gradova na svijetu, nasljen najmanje 3000 godina prije nove ere. Prema frigijskoj legendi o velikom potopu, prvi grad nastao nakon potopa, svima poznata prvenstveno kao dom Dzelaledina Rumija i kolijevku vrtećih derviša, posjetit ćemo Sultan han - veliki seldžučki karavansaraj iz XIII stoljeća. Ovo je nekad bio najveći karavansaraj u čitavoj turskoj i jedan je od najboljih primjera anadolske seldžučke arhitekture. Potom priča o Mevlani Dzelaledinu Rumiju - posjeta turbetu ovog velikog pjesnika i filozofa od 2007.godine dio UNESCO svjetske kulturne baštine, džamiji i tekiji koja je preobraćena u muzej. Mjesto na kojem je nastao red vrtećih derviša.Smještaj u hotel *Baykara Hotel 4\*(www.bykara.com)*.Večera.Noćenje.

**5. DAN: 22. April 2018. (nedjelja) KONYA - ANTALYA 300 km.** Doručak. Zatim odjava i odlazak na **Aladinovo** brdo gdje se nalazi park i džamija sultana Aledina jednog od najvećih seldžučkih sultana koji je vladao upravo iz ovog grada kao i ostaci palate iz koje je vladao. Također ćemo posjetiti i jednu od najljepših seldžučkih građevina Konye - **Karataj medresu** iz 1251. godine, nekadašni islamski univerzitet a sada Muzej keramike i pločica. Nastavak puta prema Antalyi. Dolazak u Antaliju u večernjim satima. Smještaj u hotel 4 \*. Večera. Noćenje.

**6. DAN: 23. April 2018. godine (ponedjeljak) - ANTALYA.** Doručak.Nakon doručka polazak u obližnji antički grad Aspendos, poznat kao antički grad sa najbolje očuvanim teatrom. Ovaj **amfiteatar** promjera 96 metara kapaciteta je 12.000 ljudi, a sagrađen je 155. Godine.. Pored Aspendosa, vidjet ćemo i drevni grad antičke Likije **MIRU**, poznat kao najbogatiji grad i ranohrišćansko središte u kojem je u IV vijeku kao biskup stolovao Sveti Nikola. U ovom istom gradu je Sveti Nikola koji je zbog svoje velikodušnosti inspiracija i razlog postojanja djeda mraza. Vidjet ćemo i Crkvu Svetog Nikole. Na posljatku obilazimo i sam grad Antaliju, jedan od prvih

islamskih objekata u Antaliji i **simbol Antalije** je džamija Skraćeni minaret (Kesik Minare). Ova građevina je prvo služila kao rimski hram, zatim crkva i na kraju kao džamija, sagrađena je u II vijeku pa je kroz historiju više puta rušena i podizana u različite svrhe. Zatim **Yivli minaret** – minaret sa žljebovima koji se vidi sa svih strana starog dijela grada, tu je i Hadrijanova kapija, slavoluk podignut u čast rimskog cara Hadrijana, također građen u II vijeku, pa čuvena sat kula i druge stare ali i moderne građevine koje ćete vidjeti u ovom obilasku. Povratk u hotel. Večera.Noćenje.

**7. DAN: 24. April 2018. (utorak) – ANTALYA – Denizli / PAMUKKALE 230 km.**

Doručak. Odjava iz hotela i polazak za **Pamukkale**– jedinstveno mjesto, plitki bazeni na terase, kojim se prelijeva voda temperature 35°C i snježno bijelih rubova od kalcita i ukupan krajolik čine da pomislite da je sa druge planete. Ova voda je još od antičkog doba smatrana toliko ljekovitom da je u II stoljeću p.n.e. osnovan grad–lječilište Hierapolis. Ovaj grad je prvo mjesto na Pamukkalama koje ćemo obići, nalazi se na vrhu ovih jedinstvenih mineralnih izvora. Ovdje se nalaze ostaci kupatila, hramova i starogrčkih i starorimskih spomenika kao i orhinalne ranohrišćanske građevine. Upisan je na 1988. godine kao **UNESCO–va svjetska baština** zajedno sa pamučnim stijenama. Upoznavanje Pamukkala će upotpuniti i posjeta Kleopatrinim bazenima, po legendi bazenima tople vode čarobnih svojstava a po nauci vode temperature 36–57 °C, 5,8 PH vrijednosti, pune bicarbonata, sulfata i karbon dioksida koja zaista ima neobična svojstva na kožu i organizam generalno u šta ćete se sami uvjeriti. Smještaj u hotel ***Pam Thermal Resort 5\*(www.pamthermal.com)***.Večera.Noćenje.

**8. DAN: 25. April 2018 (srijeda) DENIZLI / Pamukkale – BURSA 480 km.** Doručak.

Slobodno vrijeme za šetnju i uživanje u pamučnim stijenama, tarasastim bazenima i jezeru.Odjava iz hotela i polazak za Bursu.Dolazak u Bursu u večernjim satima.Smještaj u hotel ***Baia Bursa Hotel 4\*(www.baiahotels.com)*** Večera . Noćenje.

**9. DAN: 25. April 2018 (četvrtak) BURSA – ISTANBUL 150 km .** Doručak.

Odjava iz hotela, upoznavanje Burse,koja je industrijski najrazvijeniji grad Turske i **prva prijestonica osmanskog carstva**, pa je historijski veoma značajna. Ovdje se nalaze turbe Osman gazi, začetnika velikog osmanskog carstva i njegovog sina Orhana, prvog osmanskog sultana. Pored ovih turbeta obići ćemo i Ulu džamiju – jednu od najljepših i najneobičnih džamija u čitavoj Turskoj, zatim Koza han, čuveni han u kojem možete naći svilu po kojoj je Bursa čuvena. Bursa je čuvena i po **Iskender kebabu**, koji ćemo kušati u nekoj od nekoliko poznatih kebab kuća, a nakon ručka nastavljamo dalje. Nastavak puta prema Istanbulu.Dolazak u Istanbul u poslijepodnevnom satima. Panoramski razgled grada. Smještaj u ***hotelu 4 \* .*** Večera. Noćenje.

**10. DAN: 26. April 2018 (petak) – ISTANBUL –SARAJEVO–BIHAĆ .** Doručak. Odjava iz hotela i nastavak upoznavanja **Istanbula** sa preko 17 miliona stanovnika. Jedini grad na svijetu koji **leži na dva kontinenta**, grad koji spaja istok i zapad i jedini grad na svijetu koji je bio prijestonica tri velika carstva, Rimskog, Vizantijskog i Osmanskog. Jedan dan je premalo da bismo i približno upoznali ovaj grad ali ćemo napraviti **Bosforsku turu brodom**, a sa vode se vide sve značajnije građevine takozvanog historijskog poluotoka. Nakon toga ćemo proći pored **Topkapi palate, Aya Sofye i posjetiti Plavu džamiju**, odnosno Sultan Ahmedovu džamiju i trg te doći do kapali čaršije. Odlazak na aerodrom: popodneveni let za Sarajevo. Transfer sa aerodroma i polazak prema Bihaću. Dolazak u kasnim večernjim satima. Sretan povratak kući.

**Cijena aranžmana: 1900 KM**  
**(mogućnost plaćanja u ratama prema dogovoru)**

### Cijena uključuje

- prijevoz avionom na relaciji Sarajevo–Istanbul–Ankara–Sarajevo, smještaj u hotelima 4\*\*\*\* (lokalna kategorizacija) na bazi polupansiona tokom čitavog putovanja, transfer na relaciji Bihać–Sarajevo–Bihać, transfere u Turskoj prema programu
- razgledi prema programu
- ulaznice za sve lokalitete i lokalnog vodiča na bosanskom jeziku

*Cijena je radjena na minimum 15 putnika, slučaju manjeg broja putnika agencija zadržava pravo izmjene cijene, kao i pravo na otkaz putovanja u slučaju nedovoljno prijavljenih. Agent zadržava pravo eventualne promjene redoslijeda obilaska tijekom ture.*

**NAPOMENA:** Pasoš mora vrijediti minimalno 6 mjeseci od početka putovanja.( do 18.10.2017.)



ID:4263126470008; račun:1982012010017302 KIB Banka d.d.  
tel/fax: 037/514-399, mob:061/706-400; 063/799-006  
e-mail: lagunaca@bih.net.ba, denis@laguna-travel.com  
www.laguna-travel.com

